

官板

中外新報

千八百五十九年
咸豐九年六月

18

193

4


0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

門 18
號 193
卷 4

中外新報第四號

一千八百九十一年
六月十一日刊

浙甯 應思理 撰



甯波

前數年甯郡騷動招集廣人為防禦之計賞給頭目布與
有以守備銜無如伊等頑梗不法甚于他人在甯地揉羅
被穀任意往來道署前一帶開設烟館聚賭宿娼喜則歌
舞怒則鬪毆包討錢票則連群結隊索詐財物則勒路兇
擒甚有私持刀械以行搶劫布與有暗地分贓名為職官
實為盜藪民人痛如疾首官長視同隔膜即有一二賢令
思除其害而桀驁難制終亦無如之何予見是事因思利

中外新報 一千八百五十九年

昭和十五年
五月十一日
購

害之間切宜審慎若因小利而忘大害誠非善策若廣人者始為防禦之計終貽民人之禍所利不敵所害亦由執事者不能慎終惟始故耳

甯地護洋之業向係廣人為之後有西洋人至遂奪其利繼有佛蘭西水手亦心利之前二年曾助廣人誅西洋人而是業遂為佛人所有既而英國水手亦分利其業本年四月間有水手八名在舟山護漁船索費過重漁人苦之控于英領事領事拿獲訊問一罰洋銀百五十元監禁兩月一罰洋銀百數元監禁一月其餘六人因無確據故釋放之并飭甯地英人嗣後毋為是業後佛國領事在上海

者亦有是喻

近見道署前有廣人枷號我外國人心竊疑之以為甯地久惟廣人為大何官長忽加其罪意者是人其無朋黨乎南鄉姜茅山等處花會大作有心世道者宜禁絕之又聞石

斷塘等處亦有花會

上海

去年花英佛峨四國在天津議約大清皇上准限週歲後外國欽差駐劄北京今限期已滿花旗欽差華四月間至上海英國欽差勃魯斯佛國欽差蒲婆郎亦至與大清欽差桂彼此拜會和好如初十五日一同起程往北京踐約

有火輪兵船廿號先後而去船內水師千四百名陸路兵不知若干炮百二十門亦有兵船自別處起程駛至大沽天津會合是舉誠恐執事等食言負約故帶兵船以備不虞予謂若果如是則中外又將起釁而京都未免有事上海官火輪船號孔夫子四月初七日駛至日本船中執事者向日本人云本船乃中華捕盜監督水師之船今至貴國請立和約以便通商日本官不允飭令在外停泊不得內港勾留今其船已回上海

外國船進上海口每有本江引水船帶領以防擱淺觸礁等情四月間有花旗商船因引水船不熟水道在吳淞相

近處以致擱沙淹沒所有一切貨物盡付于水

南京

去年十一月英船赴漢口經南京長毛開炮轟擊英還擊之壞伊炮臺無數詳第返棹時緣水淺難行一船暫泊南京近處長毛知英人不可玩現假修和好齋書是船使奉英欽差時英人見其書詞倨傲且荒謬不經故置而不答

廣東

英人與廣人起釁時有同謀擒獲英船者被英人拿獲五月初一日英將是人縊死

前任廣東總督葉名琛被英人擒去禁在天竺加爾各搭

會城中後身故英人以鉛棺殮之復以白鉛為外棺寄回廣省廣人收而厝諸廟中數日至四月二十五日復造木棺改殮備以原職衣冠時有巡撫栢貴治事僚友送葬者皆掩泣焉

澳門福州等處海濱有外國匪徒販賣華人至外國為傭現被販至哈佛那西班牙屬海島或亞美利加東海濱者已有十萬去時死于船中者約小半迨後生還者僅二十人又有販至秘魯國開掘鳥糞者或被秘魯人擊斃或因勞苦過甚而死或不堪其苦自願墜崖而死屆令生還者曾無一人又澳門有館名猪仔者係外匪所設販賣華人之所

其法串合華匪誘賭民家子弟有輸而不能償錢者輒勒入館中賣與外匪倘其人不願填寫姓名立押為傭即被外匪鞭撻近有一老嫗至教士處訴以嫗有一子被匪拐入館中望先生代為查覓教士遂與嫗同入是館見館中有內室三間每室禁人三四十名啓視之見室內地狹人多臭不堪言不啻豚豕一般時嫗果見其子亦禁在是室教士即將其人放回其子隨至教士處訴云有人交我大錢六千誘我為賭不料賭輸後是人即索我欠勒入館中欲賣至外國為傭我不願立名畫押曾被鞭撻殊甚今幸先生救回恩同再造英語畢而歸又有父覓子子覓父者

兄覓弟弟覓兄者亦有婦覓夫者群相接踵而至求教士查察教士復與是等人同至是館但未嘗覓得一人蓋不知己匿于何處矣予思此事乃中外匪徒串謀漁利中外官宜協拿嚴禁不得置為罔聞

日本

日本有巨商十二人將本國金洋錢兌與外國商人此事日本例所嚴禁今巨商坐是罪者皆下獄日本現與外國通商見火輪船便于水道國人仿造之近聞其國已有火船五號內一號係日本人自造亦有學英國文字言語以為通事者

外商至日本貿易皆用墨西哥紅洋今出口之貨較多日本綢緞箱籃床蓆桌椅以及一切器用等其價漸昂

外國新聞

一百五十年前英商入印度買地通商後啟爭端率兵攻之乘勝進擊諸部漸據其地由是印度全土多為英商所轄各處設有兵弁亦募本土人為兵歷年貿易獲利非常後因英商苛虐人皆苦之去歲土兵忽叛英人多罹其害有逆首名擔挑多疲者曾殺英人妻子投尸于井迨大兵繼至削平其亂至本年三月間印度始屬英君不屬英商流叛兵二千名于愛特蠻海島使之畊種倘能悔改者二

年後必由印度遷其妻子共在島中以成眷屬是島有土
番能食人其鄰島亦然詎料叛兵思欲逃回本國遂由鄰
島而逸遇土番或被所噬或被所斃故有復回于愛特蠻
者其逆首擔挑多疲逃匿于西藏相近處英人追擒之不
得後以金誘其屬弁報知其地待其睡時縛而擒之近聞
英人將是人縊死于臺爾海一名達理乃印度舊京城又有與伊同等
為首者尚未拿獲

普魯士國聞花英佛峨四國已與中華日本立約通商亦
將命大臣赴二處從事

澳大利國與撒耳地尼亞國近有釁隙歐羅巴洲諸國助

彼助此紛紛不一佛蘭西助撒耳地尼亞因有佛君姻婭
曾娶其女為妻又因先君拿破侖征服澳大利時曾納澳
國之女為后生小主詐料澳懷舊恨約與國敗拿破侖將
后與小主不歸佛國恐繼乃父之志復相攻伐既而小主
死人皆疑為澳君所毒又以大利亦助撒耳地尼亞將發
兵征澳大利峨羅斯亦然日耳曼荷蘭等國皆繕甲厲兵
或思助人或思自守惟英吉利尚無舉動助彼助此皆莫
之聞然亦不能無事于將來澳大利現已舉兵十五萬與
撒耳地尼亞構戰攻入其國佛君星夜親率兵弁以救之
并調兵弁之在安南者予思歐羅巴洲皆聯婚合媾如瓜

葛然不戰則已戰則諸國皆為之不安

花旗離歐羅巴萬餘里諸國事不與聞焉故國中晏然無事惟為工商者多有他國人踵至西省噶拉巴約有華人八萬多以掘金為業南有哈佛那一島最富饒風景河山杳然深秀本西班牙屬地近因島中居民苦其苛政願屬花旗花人心豔之願出洋銀三千萬元以售其島未知西班牙允否

墨西哥國

在花旗南

近有匪徒欲據其地各糾餘黨以相攻擊彼此死傷者無算

峨羅斯舊例凡富戶官家買地該地居民亦隨買在內有

時民家之富過于業者亦有是以有地出賣人多爭購之賣後該地人或充當兵籍或嫁娶等情權皆新業主所操近日峨君欲更舊例買地者不得兼買居民若地歸新業主民有願居者居之不願者聽其自便此蓋有惠于民誠為善舉惜官家富戶不從所令因之議論紛紛遍于國中又黑龍江口近有峨兵聚集人皆不知其故江之北向為峨國罪犯流徙之處但其地多產煤鐵亦產金銀人為江口一帶後必成為市鎮

亞美利加土人

亞美利加為地球西土與東土三洲不相連屬昔時荒遠

未闢人莫知之三百六十七年前有歐羅巴人名哥倫勃斯者素聰明見海濱有船板漂至內有死屍狀與歐人異又見果實等隨風飄至亦與本洲所產者異知其西必有一地意欲航海探之苦無資請于各國皆不許請于西班牙后許之發船三隻使之航海後果得一地形勢斜長南至北約三萬里南名南亞美利加北名北亞美利加皆有土人居之膚黃銅色性剽悍樂于戰鬥漁獵為業不務耕種好拜偶像不諳義理然亦各分部落立有君長歐人徙至其地者屢被所斃有英國教士至北亞美利加見土地遼闊樹木叢生遂掄村建屋墾地種田營生謀業自成一

村既而諸色人等踵至拓土開疆漸推漸廣土人來侵擾者屢擊斃之英君命官以轄其地後因重征苛斂立法不順民情民遂相率而叛英舉兵來征血戰八年不獲勝仗听民自立一國即今所謂花旗也當教士初至時屢以道勸化土人土人頑梗加以橫逆只得殲斃其類使之畏服後勸之再三而橫逆如故若人獸不相為類花人不忍殄滅其種思易一法以勸化之將土人散居各處者驅而納諸一省使教士入而宣道教士見土人之父兄習與性成終難理喻惟其年幼子弟習染未深尚可化導爰設學堂招集頑童教以文字并教以技藝等項後頑童氣質漸化

知識漸開亦能建屋種田其父兄見而悅之亦有被其子弟所化者至今是省土人皆化頑為良駸駸日王南亞美利加有亞非利加西班牙西洋等國人本地土人易與之合因諸國皆崇西教拜偶像土人亦拜偶像故如膠漆相投今其苗裔皆由諸國串合而生又花旗內地別有一種土人亦頑梗不服國人深惡之然久之亦當為教士所化予見是事因思天下各處強役弱者執也智傭愚者理也愚能效知雖弱亦強久必不為人下觀于亞美利加土人始為他國人所徧繼為他國人所化數百年後自能與諸國並則向者雖受兵刑之苦何殊藥石之投也若印度一

國既為人役置若罔聞故人性日愚國勢日衰為英所屬者百有餘年

附甯波

有慈北匪徒號稱京城大炮素行不軌前年克擒王小山以致隕命後曾充當李筭南鄉勇前月十九日糾集儵黨在西鄉林村地方滋事村人聚眾縛而擒之將其人焚死旋恐儵黨未散以圖報復遂報縣主縣主會合營兵至該地查驗村人具呈訴其罪狀此已有五六人

